

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Liber chronicarum**

**Schedel, Hartmann**

**Augsburg : Schönsperger, 1497**

De opere secunde diei

[urn:nbn:de:bsz:31-51361](https://nbn-resolving.org/urn:nbn:de:bsz:31-51361)

## De opere secunde diei

In eodem diem. Et tenebras noctem. Factumque est vespere et mane dies unus. Moyses mirum artificium diuina non humana industria totius nature secretis apte conueniens in suo libro ostendit. qui omnem doctrinam et eloquentiam et ingenium superat. Gloriosus enim deus qui est vera lux. lucemque diligens. omnia in luce faciens. Mundi fabricam a luce rectissime inchoauit. Que tribus diebus usque ad quartam (in qua luminaria formata sunt) circuitu suo dies naturalem peregit. Eratque nobilissimum corporum spirituali creature finitimum atque optimam. suam pulchritudinem maxime communicans. Cum punctus minimus totius mundi spacium repleat. Ideo lux sola est qua mundus totus bonus et pulcher est. per immundaque sine corruptione transiens. Et merito lucem vidit quoniam bona. Cum nihil aliud sit quam primi boni imago tenuis et umbratilis similitudo. Statim tractante spiritu aquas illas et persuadente subiectum iussu dei artificis exorta est lux decus et splendor. ut nubes lucida superiores mundi partes tua claritate illuminans. ut in diluasio fieri solet per modum solis agitata. superius emisperium. et vicissim superius illuminans. Et postea diuisit. ut tenebre et lux diuersa emisperia vendicarent. Appellauit lucis diem a claritate qui purgat tenebras tenebras a nocendo noctem. ne oculi videant. Secundum harum partium dimensionem diem fecit et noctem. que species et orbis temporum perpetuos ac volubiles quos vocamus annos alterna per vices successione consiciant. Ac factus est dies unus. qui fuit primus dies seculi. non primus dierum omnium. ideo non primus si unus non nominatus est. Et sic eo die fecit deus materiam informem. Angelos. Celum. lucem. terram. aquam et aerem etc. Ipsius quoque terre binas partes contrarias inter se diuersasque constituit. scilicet orientem occidentemque. Et quibus oriens deo accensetur. quia ipse luminis fons et illustrator est rerum. Et quod ori nos faciat ad vitam sempiternam. Occidens autem conturbate illi praeque menti ascribitur. quod lumen abscondat. quod tenebras semper inducat. Et quod homines faciat occidere et interire peccatis. Nam sicut lux orientis est. In luce autem vice ratio versatur. sic occidentis tenebrae sunt. In tenebris autem mors et interitus coniungitur. Deinde alteras partes eadem ra-

tionem dimensus est. meridiem ac septentriones que partes illis duabus societate iunguntur. Ea enim que est solis calore flagrantior proxima est. et coheret orienti. At illa que frigoris et perpetuo gelu torpet. eiusdem est cuius extremus occasus. Nam sicut contrarie sunt lumini tenebrae. ita frigus calori. Ut igitur calor lumini est proximus. sic meridiem orienti. ut frigus tenebris. ita plaga septentrionis occasui. Hec omnia opus quarti diei vberius manifestabit.



**S**ecundo die dixit deus. Siat firmamentum in medio aquarum. et diuidat aquas ab aquis vocauitque firmamentum celum. prophetam de celestibus mysterijs loquentem audiamus. Secit enim deus firmamentum rotundum mobile cetera sensibilia continens. Et ex aquis congelatis in modum cristalli solidauit. et in eo fixa sidera. Spera autem celi cum sideribus in ea fixis duobus axis voluitur. Quorum alter septentrionalis boreas. Alter australis nothus dicitur voluitur ab oriente in occidentem tanta celeritate. ut nisi plane contra cursum eam tardarent mundi ruinam faceret. Et artifex mundi. celi naturam aquis temperauit. ne conflagratione ignis superioris. elementa inferiora succederet. Supra nouem celorum orbis id est septem planetas. et speram octauam quam vocant inertantem nonnumquam orbem qui ratione non sensu deprehensus est inter corpora que mouentur. creditum est decimum celum fixum manens et quietum. quod motu nullo participet. Neque hoc